

Buenas. Manana si Yu'os para hamyo todū guennao hulo'. Hu tungo' ha' na Måtso pã'go na mes, noh?  
Pat Biba Ha'änen Nuebu para hamyo todū guennao hulo'.

Åntes di bai hu sãngan hãfa bai hu sãngan, fanmanohge fan ya ta cho'gue fan este i Inifresi sa' ginen i kerson-ta este yan ayu i Fanohge Chamoru. Yanggen en tingo'...

[Recitation of *INIFRESI*.]

Manana si Yu'os para hamyo mañaina-hu yan mañe'lu-hu. I na'ån-hu si Sainan Ofing Jackson yan i asaguã-hu si Danny Jackson. Guãhu i sekretãrian Nasion Chamoru ya hunggan gi Nasion Chamoru ginen i Maga'hãga si Catherine McCollum yan i Maga'lãhi si Danny Jackson, in apreba este na “Resolution.” Dãngkolo na saina ma'ãse' sa' manhuyong hamyo ya en cheche'gue este.

Hunggan direcho este para hita i taotao tãno'. I direcho-ta este ginen i saina-ta--our ancestries... i guelo' yan i guela'—si Nãna yan Tãta. Hagas ma gotte na estague pã'go na nisisita pã'go na para ta fanmanohge ya ta cho'gue este i bidan-ñiha este siha i taotao sanhiyong.

Hãfa na para hita ha', bula “unconstitutional”? Puet ayu i fishing rights... Public Law 29-127.

Ma sãngan ta'lo gi i A.G. "unconstitutional." Hãfa na para hita guini gi tano'-ta, bula “unconstitutional”? Taya' ãmbre iyo-ta *Constitution*! I *Constitution* i Amerikãnu este--ãhe' ti hita. Ti hita--kumahulo' si nanã-hu, yan si tatã-hu, si guelo' yan si guela'... kao manngahulo' gi siyan-ñiha... gi gima'-ñiha... gi maseha amãnu para u fanmanohge ya para u ma *swear in* gi i *Organic Act*? Ti u ma cho'gue ayu i *Organic Act* para hita. Para i taotao sanhiyong—ãhe', ti para hita. Anggen un taitai ayu i *Organic Act*, atan--sen atan, sa' parehu ha' yan i *Constitution*-ñiha. Hãfa iyo-ta *rights* gi i *Constitution*? Tãya'!

Ti siña hit mambota gi delegãdu. Gi delegãdu, tãya' iyo-ta *rights*, para u kuentos gi halom. Tãya' iyo-ta *rights* ta'lo para in fambota para presidente. Hãfa ayu na *Constitution*? *Constitution* Brodie! Para siha ayu. Åhe' ti para hita i taotao tãno'. Tãya' iyo-ta *Constitution*. Iyo-ta *Constitution*: Inifresi... Fanohge Chamoru. Kontra. Maila' pã'go ya ta fanngontra.

Maila' pã'go ya ta cho'gue este. Hãfa na este na taotao si Dave Davis... hãfa gui' yan hita ni' Manchamoru? Humãlom ya ma cho'gue hãfa malago'-ñiha. Si Gatewood, ha bira gui', ya lãstima -- CHamoru—Tydingco, taotao CHalan Pãgo, parentes-hu, ha cho'gue gui'. Mãngge CHamoru gui' na hãga'? Mãngge? Mãngge? Dinanche si Harold ni' ayu i, “hãfa este i *District Court of Guam*?” Ti debi di este i *District Court of Guam* gaige guini gi i tano'-ta.

Manhãlom i protesta, u hungok gi nigapña na manhãlom, na manggaige guihi ni' manma protetesta. Manhãnao gi sanme'nan i *District Court of Guam*, manma dulalak. Yanggen gaige hu' guihi ti bai hu ma dulalak sa' un tungo' hãfa bai hu sãngan? “Tãno'-hu este. Hãyi hamyo? Kao mãtto mãgi i presidenten-miyu ya ma nã'i hamyo na tãno'? Tãya'.

Tãya' guini tãno'-miyu. Fanmambãsta manmañule' tãno' ni' ti tano'-miyu. Humãnao yu' hulo' un biãhi para ayu i *GCIC Building*, ya ma sangãni hu' na hu nisisita na bai hu huyong guihi sa' i tano'-ñiha. Tumohge ha' yu', “Ya hãyi hamyo? Mãngge i tano'-miyu? Gaige i *lot* guini gi iya Guãhan. Gaige i *building* gi iya Guãhan. Anggen ilek-miyu na tãno'-miyu este, pues chule', kãtga i Guahan, yan pega guatto gi Amerika.

Ofing Jackson – Resolutions 51-34 and 52-34

Håfa na sigi ha' hamyo ilek-ña estague tåno' Guam? Chule' edda', hatsa edda' gi guma'-miyu. Oh, maseha gi halom tåno', ya un nginge'. Kao pao Amerikånu pat pao CHamoru. Chule' i edda' ya un bira huyong sa' bula --- ya ginen i saina.

Hu sapotte, in sapotte este i *Resolution* yan este ginen i Chamorro Land Trust--tododu. Maolek sa' manmanohge ya ta cho'gue este ya ta kontra este siha na ma bibida di u ma cho'gue gi i tano'-ta sa' manggaige i saina-ta guihi pã'go na ora, pã'go no momento, ni' manmåtai... manma a'atan hit pãpa'. Manma bibira siha--sigi ha' manma sãngan na manma bibira siha gi halom atuhot, ti siña åmbre. Ginen i tataotao-ñiha na manggaige ha' guini na mane'ekungok. Pues na'direcho este.

Vice Speaker, saina ma'åse' nu este. Un lakngos ya un manna'hungok ni' i taotao. Hamyo ni' Manchamoru, fanmanohge. *Enough is enough. It's time... it's time.* Ti Para hita este na pãpet. Para i famagu'on-ta, ya i famagu'on ni' manatatte. Hasso i famagu'on-miyu. Hasso i ñeta yan ñeta siha. Hasso i ñetu yan ñetu siha. Hasso håyi manggaige gi santatte-ta.

Esta kuånto na buñelos dågu ta kånno', kuånto na buñelos månglo' ta kånno'? Nå'i pã'go i famagu'on-ta , i ñetu yan i ñeta. Saina ma'åse' ta'lo nu este yan biba CHamoru.